

neutras partes secuti essent (sic Probus in comm. ad ecl. p. 6 Keil probabilius quam Servius, qui in praef. ad bucol. et ad Aen. scribit Cremonenses contra Augustum sensisse et perperam et ut sibi ipsi non constet haec trahit ad bellum Actiacum), 'hoc Augustus indignatus veteranis, quorum operam in bello habuerat, agros Cremonensium dividi iussit' (Probus l. c.). Quod evenit a. u. c. 713. Unde *colonia* deinde appellatur apud Plinium h. n. 3, 19, 130 et Tacitum hist. 3, 19, 32 et Ptolemaeum 3, 1, 31; rettulerimque ad eandem deductionem, non ad priorem, quod scribunt auctores grammatici (Frontinus p. 30, Hyginus p. 170 Lachm.) Cremonae centuriam significare agri modum solito maiorem, nimirum iugerum CCX. Ex veteranorum, numero tum Cremonam deductorum videtur esse miles de *leg(ione) X Vener(ia)* tituli Bagnolensis n. 4191 tribum habens Cremonensium. Cognomina coloniae nulla reperiuntur, quamquam Iuliam dictam fuisse non dubito; Concordiae cognomen perperam vulgo ei tribuunt propter titulum supra n. 977 male intellectum. Splendidam urbem (*πόλις ἐπιφάνης*) dicit Strabo 5, 1, 10 p. 216, locupletem et magnam (*εὐδαίμονα καὶ μεγάλην*) Plutarchus (Oth. 7), ditam Tacitus (h. 3, 32); quo item pertinet, quod Mantuani pueri studiorum causa Cremonam se conferebant, ut fecit Vergilius (cf. vita Vergilii p. 55 Reiff.). Luculentissime vero coloniae opulentia apparet ex narratione Taciti historiarum libro tertio de eius excidio, postquam ibi Flaviani devicerunt Vitellianos a. p. Chr. 69; nam

obiter ibi commemorantur altissimae domus et moenia supergressae (c. 30), amoena extra urbem aedificia (c. 30), gravia auro templorum dona (c. 33), status ibi mercatus, qui magnam Italiae partem quotannis ibi congregaret (c. 30). Cf. Dio 65, 15: ἡ πόλις καὶ μεγέθει καὶ κάλλει οἰκοδομημάτων ἤσκητο. Sed ipsae opes cladem Cremonane parabant direptae ab exercitu victore per quadriduum et incensae, ut excepta una aede Mefitis ante moenia sita tota deflagraret (c. 33). Pace restituta *rediit* quidem, ut ait Tacitus (3, 34), *Cremonam reliquus populus* et reposita sunt *fora templaque magnificentia municipum* hortante Vespasiano; neque tamen antiqua opulentia videtur rediisse. Certe postea Cremona raro commemoratur et, quod maioris momenti est, titulos inde habemus et perpauca et in paucis his plures fortasse saeculi primi quam aetatis posterioris. — Magistratus non innotuerunt nisi *aediles* duo n. 4097 et *quaestores pecuniae publicae* n. 53. 977, si quidem recte hos duos titulos interpretamur. Cf. praeterea n. 4441. Tribum Cremonensium Aniensem fuisse praeter nostras n. 4041. 4109 ostendunt militum aliorumque hominum inde oriundorum non pauci compositi apud Grotendium in agro Rom. trib. discripto p. 49; Claudia tribus cum domo Cremona coniuncta in titulo n. 977 quomodo explicanda sit, ibi ostendere temptavi (cf. n. 4108). Item ad Cremonam pertinere videntur *sexviri Augustales* (n. 4096. 4132) et *collegium fabrum* (n. 4132).

4091 *trovate discosto da Cremona circa due mila passi* LIGOR. (ms.); secundo a Cremona lapide quondam repertae atque inde Romam, postea Venetias translatae LIGORIUS APUD SMETIUM, similiterque FONTEIUS, omnino ex eodem Ligorio. Venetiis apud patriarcham Grimanium MANUTIUS. Tabulas iam extare Romae in museo cardinalis Barberini ad Maccii codicem 1, 230 adscripsit HOLSTENIUS.

intus: tabella prior

IMP · CAES · DIVI · TRAIANI · PARTHICI · F · DIVI · NER
VAE · NEPOS · TRAIANVS · HADRIANVS · AVG
PONT · MAX · TRIB · POT · XII · COS · III · P · P
IIS · QVI · MILITAVER · IN · CLASSE · PR · MISENENSI
5 QVAE · EST · SVB · IVLIO · FRONTONE · SEX · ET
VIGINTI · STIPEND · EMERIT · DIMISSIS
HON · MISS · QVOR · NOM · SVB · SCR · SVNT
● ●
IPS · LIBER · POSTER · EOR · CIVITAT · DEDIT
ET · CONVB · CVM · VXOR · QVAS · T · HABVSSENT
10 CVM · EST · CIVIT · IS · DATA · AVT · SIQVI · CAELIBES
ESSENT · CVM · IIS · QVAS · POSTEA · DVXISS ·

tabella posterior

DVM · TAXAT · SINGVLI · SINGVLAS
A · D · XII · K · MART
a. 129 Febr. 18 P · IVVENTIO · CELSO · II · Q · IVLIO · BALBO · COS
● ●
15 EX · GREGALE
M · NVMSIO · SAIONIS · F · NOMASIO · CORSO VI
NAC

4 MILITAVERVNT Man. — MISINENSI Font. — 5 FRONTINO Font. — 8 CIVITAT Man. Lig., CIVIT Smet. — 10 IS Lig., IS Smet., IIS Man. — 12 SINGVLI SINGVLAS Man., SINGVLIS SINGVLAS Font. — 15 CRECALE Man. — 16 SALONIS Man. — F Man., om. Smet. Lig. Font. — VENAC Man.

extrinsecus: tabella prior

IMP · CAES · DIVI · TRAIANI · PARTHICI · F · DIVI
NERVAE · NEPOS · TRAIANVS · HADRIANVS · AVG
PONT · MAX · TRIB · POTEST · XII · COS · III · P · P
IIS · QVI · MILITAVERVNT · IN · CLASSE · PRAETORIA
5 MISENENSI · QVAE · EST · SVB · IVLIO · FRONTO
NE · SEX · ET · VIGINTI · STIPENDIS · EMERITIS
DIMISSIS · HONESTA · MISSIONE · QVORVM
NOMINA · SVB · SCRIPTA · SVNT · IPSIS · LIBE
RIS · POSTERISQVE · EORVM · CIVITATEM · DE
10 DIT · ET · CONVBIVM · CVM · VXORIBVS · QVAS
TVNC · HABVSSENT · CVM · EST · CIVITAS
● ●
IIS · DATA · AVT · SIQVI · CAELIBES · ESSENT
CVM · IIS · QVAS · POSTEA · DVXISSENT · DVM
TAXAT · SINGVLI · SINGVLAS
15 A · D · XII · K · MART
P · IVVENTIO · CELSO · II · Q · IVLIO · BALBO · COS
EX · GREGALE
M · NVMSIO · SAIONIS · F · NOMASIO · CORSO
VIN · AC
20 DESCRIPTVM · ET · RECOGNITVM · EX · TABVLA
AENEA · QVAE · FIXA · EST · ROMAE · IN · MVRO · POST
TEMPLVM · DIVI · AVG · AD · MINERVAM

tabella posterior

TI · IVLI	●	VRBANI
C · CAESI	●	ROMANI
25 TI · CLAVDI	●	MENANDRI
C · VETTIENI	●	MODESTI
L · ATTEI	●	ATTEIANI
L · PVLLI	●	VERECVNDI
C · VETTIENI	●	HERMETIS

1 CAESAR Man. Lig. — 6 STIPENDIIS Lig. — 11 TVNC Man. Lig., TVM Smet. — 18 SALONIS Man. — 19 VENA · C · Man. — 23 TI · IVLI Man. (quod confirmat diploma Carnuntinum a. 113/4), C · IVLI Lig. Smet. Font. — 24 C · CAESI Man. Lig. Font., C · CELSI Smet. — 25 T · pro TI Font. — 27 ATTEIANI Man., ATTHANI Lig. Smet. Font.